

FKP ANJURKAN KOLOKIUM PENYELIDIKAN KALI PERTAMA 2017

Kuantan, 5 April – Seramai lebih 20 pelajar pascasiswazah dan pensyarah hadir dalam kolokium penyelidikan yang pertama kali dianjurkan oleh Fakulti Kejuruteraan Pembuatan (FKP) pada hari ini bertempat di Dewan Kuliah 3, Fakulti Kejuruteraan Pembuatan. Kolokium ini dikelolakan bersama oleh Persatuan Pelajar Pascasiswazah Fakulti Kejuruteraan Pembuatan (3PFKP).

Menurut Koordinator Pascasiswazah FKP, Dr. Nafrizuan Mat Yahya, kolokium ini diadakan bagi memberi peluang kepada semua pelajar pascasiswazah dan para pensyarah FKP mengetahui dan bertukar fikiran dan maklumat berkaitan projek-projek penyelidikan yang dijalankan di FKP secara khusus selain juga perkembangan penyelidikan global secara umum. Selain berkongsi pengetahuan dalam bidang penyelidikan berkaitan automasi pembuatan, sistem pembuatan, rekabentuk pembuatan, proses pembuatan, bahan kejuruteraan untuk pembuatan, kejuruteraan mekatronik dan kejuruteraan sukan, kolokium ini juga menjadi platform kepada semua warga FKP memupuk minat dan membudayakan aktiviti penyelidikan bagi terutama memenuhi hasrat Universiti Malaysia Pahang ke arah memasyarakatkan teknologi (*Communitising Technology*). Kolokium penyelidikan ini dirancang untuk diteruskan secara bulanan pada setiap Rabu minggu pertama.



Pada kolokium penyelidikan pertama ini, Lim Syh Kai, pelajar sarjana di bawah penyeliaan Profesor Madya Dr. Ahmad Razlan Yusoff telah membentangkan projek penyelidikan dalam bidang proses pembuatan yang sedang dilakukan oleh beliau bertajuk "*Nanocooolant for Improving Cooling Performance in Hot Press Forming Die*". Dalam majlis itu juga, Dr. Zamzuri Hamedon yang merupakan Timbalan Dekan (Penyelidikan dan Pengajian Siswazah), FKP turut berkongsi pengalaman ketika melanjutkan pengajian Doktor Falsafah di Universiti Teknologi Toyohashi, Jepun dengan memberi syarahan yang bertajuk "*First Experience during PhD*". Beliau banyak memberi motivasi, inspirasi serta panduan dalam mengharungi cabaran sebagai pelajar pascasiswazah di FKP.



Berita disediakan oleh Mohd Khairulnazri Saidi dan foto oleh Nurul Fatma Nadiah Umar